

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1909188857, 1909222788, 1909231271, 1909251015, 1909276216 և 1909269368 որոշումները բեկանելու և վարչական իրավախախտման վերաբերյալ գործերի վարույթները կարճելու մասին

<< 8 >> 04 2019թ. 17-13- 1824

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Անի Առաքելյանի 32328-19 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Գյուրջյան փողոցի 58-րդ շենքի 59-րդ բնակարանի բնակիչ Անի Առաքելյանը դիմումով բողոքարկել է Ճանապարհային ոստիկանության վարչական տույժ նշանակելու մասին թիվ 1909188857, 1909222788, 1909231271, 1909251015, 1909276216 և 1909269368 որոշումները՝ նշելով, որ իր կայանման վայրում առկա է և՛ դեղին արգելող գծանշումը և՛ կարմիր գծանշումները:

Դիմումի քննարկման արդյունքում պարզվել է, որ վարչական տույժ նշանակելու մասին թիվ 1909188857, 1909222788, 1909231271, 1909251015, 1909276216 և 1909269368 որոշումները ենթակա են բեկանման հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը:

Նույն օրենքի 6-րդ հոդվածի 1-ին և 2-րդ մասերի համաձայն՝ իրավախախտման հատկանիշների պարզումը վարույթ իրականացնող վարչական մարմնի կողմից տեսանյութում կամ լուսանկարում ամրագրված արարքի հատկանիշների համադրումն է իրավախախտման հատկանիշների հետ: Իրավախախտման հատկանիշները համարվում են պարզված, երբ տեսանյութում կամ լուսանկարում ամրագրված արարքի հատկանիշների և իրավախախտման հատկանիշների համապատասխանությունը կասկած չի հարուցում, իսկ կասկածի դեպքում մեկնաբանվում է հօգուտ անձի:

Ճանապարհային ոստիկանության վարչական տույժ նշանակելու մասին թիվ 1909188857, 1909222788, 1909231271, 1909251015, 1909276216 և 1909269368 որոշումներով արձանագրված իրավախախտումները ամրագրած տեսանյութերի լրացուցիչ ուսումնասիրության արդյունքում իրավախախտումների փաստերի առկայությունը համարվել է կասկածելի:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 3-րդ կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1909188857, 1909222788, 1909231271, 1909251015, 1909276216 և 1909269368 որոշումները բեկանել և վարչական իրավախախտման վերաբերյալ գործերի վարույթները կարճել:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
3. Սույն որոշման օրինակն ուղարկել Անի Առաքելյանին:

Կատարող՝ Ա. Մարգարյան

